



白公詩選之四

三一子雲夢程德良著

進士邑人楊紹中選

進士門人羅文寶評

七言律

秋空雁字橫

秋高迴雁應霜期忽綴長空一段奇散落  
雲煙紛下上環來風雨影參差遙傳海外



中郎節漫寄處前烈士詞翰墨繇來人  
重行行毛羽若為儀

椒塢雨

椒漿日日送陽春  
栽向塢邊更不塵  
纔沐天家新雨露  
即看樹色倍精神  
龍巖欲識君王面  
鹿柴曾分學士身  
誰謂迂辛成僻性  
故教霖霖漫相親

南郭成孚如以衡言見詒謝而招之

薄游落拓幾相憐  
小築唯應熟佛詮  
水色輕搖江汧月  
竹光斜挂碧雲烟  
孤軀五芻猶餘地  
萬樹叢陰忽長蓮  
之子衡言叅道妙  
何如閒步過前川

洞門煙月挂藤蘿

幽意繇來洞口多  
忽驚煙月挂藤蘿  
推敲便擬翩雲鶴  
去住應同泛碧波  
半壁山嵐爭隱映  
一天秋色任婆娑  
清溪道士歸徠

晚尚訝飛瓊弄玉後

六安上人關居却贈

誰云遁跡必廬山一到幽居自躋攀  
半村何衆相不臻不減只孤顏  
六時貝葉空喧寂五體蓮花任去還  
玄度老來忻獨往祇林尚借聖僧關

秋興八首

金飈蕭瑟碧山秋吟望高天不勝愁  
繞駕

九霄鳩鵲渡翻披五月驪驪裘雄飛拚擲  
斑生筆久視虛畫魏史籌不盡心神寄槐  
午乾坤夢夢歲華悠

楚天秋靜暮雲平北斗南箕更縱橫  
黍茹不拔雲夢澤巽風偏度繭絲城  
螢光片片何紛若蛩語啾啾太憎生  
惆悵空齋清漏永幾回兀坐待曦明

二毛那減草玄黃一片鳴蟬送夕陽  
野火

白蓮洲詩卷之九  
燒殘千頃月，碣聲敲斷萬家腸。  
西川蕙蔭鄉風遠，南國芰荷玉露長。  
斜倚牕虛眠未得，澹雲疎雨過瀟湘。

潁湛一望汎秋波，風雨蕭蕭秋更多。  
家在湖湘連碧漢，人依蘆荻弄青螺。  
驚心海若吞天地，過眼僊槎下杼梭。  
况是由旬無乂土，可憐千里盡龜鼉。

三秋三楚疊風烟，人道南方別有天。  
藩甸幾投慈母杼，皮林一控健兒弦。  
雲低天柱迷高下，鳥合蘭溪溷後先。  
世道人心誰首難，獨憂

明主振危絃

清寧宮闕瑞光殷，環珮嵩呼霄漢間。  
主上皇孫皇孫為三代  
三代聖人天北極，千秋樂事壽南山。  
朝

廷獻納輸金鑑，滄海恩私憶玉班。  
草澤此時都獸舞，風雲敢冀識龍顏。

陰霾颯沓亂秋歸  
往復平陂運式微  
紫塞風高嘶萬馬  
黃河東下潰千圍  
徵金輸粟幾懸磬  
荷鋪操弧那授衣  
際此政藉經世手  
新亭相對莫歔歎

浮生是處有天弢  
黍熟雞肥醉濁醪  
耳熟但呼橫笛曲  
途窮肯奏鬱輪袍  
薇紅細細山移月  
松翠陰陰海泛濤  
漫興祇驚工部句  
何人解贈呂虔刀

春雨有懷賦次陳象川韻并寄郭楊兩  
寅長是時余將有益州之行

雨絲搖颺碧山際  
兀坐匡牀思不禁  
夜半竹枝歌罷舞樽前  
落月醉還吟  
交從別去方知密語自心  
投更覺深  
何得錦官容掃軌  
重来佛掌共追尋

洞名

皇太孫生恭逢

太皇太后六十辰詔上

白蓮洲詩集卷之七  
徽號肆赦恭紀三首

銅龍震索瑞光連慶洽

慈闈萬壽年長樂春秋綿甲子承華日月  
接堯天紫泥丹詔恩波渥寶冊瑤函懿鑠  
傳洵是熙朝多樂事共瞻

聖主祐無邊

慶源長濬千秋日甲子初週萬壽年麟趾  
螽斯綿聖曆

玉函瓊冊頌慈天光浮少海星重曜歡洽  
彤闈福更全試聽金雞啣詔下高呼聲徹  
聖人前

恭交離照兩逢年

聖母

元孫樂事傳

鶴禁喜瞻龍有種

鸞輿恭祝霽為篇重輝星斗懸天上萬里

白蓮洲詩卷之七  
春波下日邊欲撰微詞颺盛美小臣深愧  
筆如椽

示子野王孫

不堪時事懶高歌白雪其如催句何自是  
金枝休哽咽好將竹葉任婆娑千秋苗裔  
乾坤定十載

宗藩風浪多莫以糊塗疑相國須知世道  
戒偏頗

江干風浪兼天為湧固非小可事曾睹  
千夷門者流什伯成羣衡行廣途星星  
之焰恐亦未易撲滅小懲大誡固難滿  
訾當事矣

示芝孫步工部韻

岐嶷蚤見玉童清筆落尤看神鬼驚自信  
蛟龍非俗物誰知騏驥向人鳴平津未合  
還相合知己無情却有情消息盈虛都類



此從茲平步九重城

愁

楊花細逐百花妍九十春光倍可憐  
眼底不時搖颺雨人間何日艷陽天  
祇將此月愁來月誰謂今年異昔年  
身世那從一消遣玉缸滿拚飲十千

七月初度林穎叔左衷獻技以詩捉筆  
和之

四十九年動有悔于今日月倍增之綵毫  
但賦清商曲

春殿那瞻赤羽旗漢世息星忻聚里萊家  
舞袖漫和簷芙蓉渠露漾梧桐月細話良宵  
莫論卮

涼颼淡月簇清筵不覺吟來遠思篇烽火  
東南纔命將烟波吳楚更連天遙看威鳳  
鳴周雅忽聽晨雞快祖鞭千歲勛庸千日

酒幾回把臂數材臣

火異三首

清宵月白靜城郭  
條忽東郊流赤霞  
豈有秋風怒茅屋  
頓令空壁捲人家  
蒼黃欲激千江水  
匍匐將趨萬里沙  
身世飄蓬都類此  
乾坤生息尚無涯

神祠名

祝融忽散赤城霞  
似向人間逐麗華  
外郭片時都作燼  
故園八月已無家  
徒新筴畫

終非筴爛額功誇  
未足誇揔望

君王綺席裏酒香  
東嚮巽樂已

五夜已驚飛異歛  
淡朝更訝滿蒸霞  
似憐

藍縷平原地故掃  
青郊醒齷家天際  
不聞

來酒雨物華那意  
委泥沙赤光中有  
葡萄

架百爾從茲防橋  
邪

唯黃氏亡恙人以黃葡萄架名之

臨安乙酉火

是年東郭火而居之遠與戶之闔者  
皆歛飛不免中有艸廬卻獨存如碣

自選洲詩選

日蓮寺詩

石人間災青謂非鬼神嘿司之而禍  
福自己求之耶奈何督不畏也

中丞霖宇公定楚詩以志之二首

六師不散武昌樓欲解三湘七澤愁祇為  
國家調敵瑟肯從江漢覓封侯紫騮黃鉞  
春雲滿玉葉金枝點鼠兔試聽羽書飛報  
日謳吟聲徹楚江秋

一從塞外掃烽煙再試石畫細柳邊但使  
干戈銷戶牖應知譚笑淨江天波開鸚鵡  
千重浪風送鯨鯢萬里船此日壯猷留野  
史它年洪伐紀瑤編

寄祝黃孝廉翁八十

人生八千古今稀黃鶴樓頭坐曙暉不羨  
素書助帝室直窺玄笈解僊機潁湛灝  
森移天漢蘭蒞葳蕤映蕨薇夔覩佳兒千  
歲業斑衣舞後綴朝衣

江東卽事

父子祖孫同旅客，江東至日獨淒涼。  
風翻波浪兼天湧，雨濕塔除帶雪狂。  
望裏祇看收結綠，愁來猶冀辨驪黃。  
嗣宗幾許窮途嘆，天送晴曛出漢陽。

共美命夜話

黃籬館前話，尊酒頽頽江上問。  
風波那堪別去十年後，不覺譚來乙夜過。  
荆璞幾時

懸日月，燕臺誰手挽江河。

帝臣出處元非偶，謾別銀缸一放歌。

訪西來菴

金戈鐵簡驪驩，躑躅纔罷東征已。  
轉西豈有雄文彈將相，翻來深院問菩提。  
夢驚黃鵠藏龍鉢，笑指蒼煙度虎溪。  
聞道至尊憐敝舄，庵頭能得幾時栖。

武昌書懷

白蓮洲詩 卷之七 七言律  
天絆長雲幾放晴春光送晚尚簫笙文章  
海內誰知已車馬江干揔世情蚤歲舊游  
今更密寄居同姓始締盟便將片楮吟天  
寶一夜扁舟下夢城

送宛平之官

年來天地揔憂貧得令如公始為民花色  
欲添河上錦蒲鞭不破訟庭春中原蚤見  
童牛牯三輔遙看雉鳥馴此去嘔心勤漢

吏應知彊項本端人

先是薦章有助時自許嘔心勁  
節入稱彊項云

草堂巢鷺分陽字

澹泊乾坤一草堂巢成雙鷺紫泥香差池  
不畏東風急穩臥何妨春晝長會見乳鷄  
穿浣水故先車馬入南陽年來無意封侯  
信百子千孫祝

聖皇

宏父堂桂鄉二首

白蓮洲詩  
卷之七  
律  
乾坤華萼摠清芬  
開到邗林更不羣  
旖旎幾移千里月  
氤氳欲接九霄雲  
恍搖蘭珮來王母  
疑傍爐煙侍

聖君自是貴  
禹佳樹舊天香  
秋色兩平分  
天生嘉樹豈同羣  
秋入枝頭分外芬  
色借月華流瑞靄  
氣連金颺吐氤氳  
夢殘蝴蝶魂猶馥  
勝掩瓊瑤清更君  
莫艷寶家偏雨露  
只今稚子摠能文

聞新政志喜

乙巳十二月

幾歲乾坤增窈窕  
一朝

廊廟動絲綸  
試看豺虎離群日  
摠是麒麟入夢辰  
玉笋挿天天宇靜  
金甌承露露華新  
江干那用愁  
災眚海內誰非頌

聖人

雪

今年臘月春意動  
感甯粟漸覺轉冲融  
豈知

風雨瀟湘裏忽漫瓊瑤璀璨中  
片片梅花飛勝句鱗鱗水木落巖風  
更思夜半驚心處霆歛雷聲百里同

舟阻

寒來何處不淒涼舟入江心風復狂  
客有得魚歌赤壁野無孤鶴夢黃岡  
泪殘南國疑懷壁腸斷牙樁似引韁  
因憶澄清江漢日肯令三閭欲浮湘

為李母卜吉

頻年去住谿雲裏指點山川天地間  
幾羨蒲騷多勝水纔從藤店得名山  
金蓮的的芙蓉苑玉几陰陰虎豹關  
千歲佳城應有主此迴俯察且開顏

賦得秋菊有佳色二首

山秋霜後草偏萎陽節籬邊菊半黃  
錯落金英颺鳳彩離披碧葉漾龍光  
望裏欲乘

武昌鶴坐中不羨洞庭香春風何處非桃李  
誰意寒花晚更芳

秋深誰不愛長齡更見浴牆照野亭色借

鍾會稱菊有君子息五美

雲霞含五美節高霜露曜三靈妝成媚子  
濃還淡醉後佳人睡復醒那得白衣頻送  
酒欲從楚客受食經

### 珍樹陰

銘云渴不飲盜泉水熱不息惡木陰

迴雲自珍樹聖人處于陰

誰栽海上三珠樹偏引人間萬戶涼清淨  
弇州別有境婆娑竹里不危鄉紅雲度處  
春雲滿紫氣浮時秋氣長漫快雄風披殿  
閣應知白日到羲皇

### 秋思 分秋字

西風吹落萬家秋爽氣添來一枕愁同稼  
不聞田畯喜除書唯有蓋臣憂珍臺何日



金錢散鐵嶺今年胡騎游天地從茲還泰  
運

君王但冀入嘉謀

對紫薇

文章欲聽絲綸閣明麗先開蓬華家的的  
歲隄三月雨離離紫帶一天霞寒塘長日  
移清影懸圃西風度素華與我坐來寧覺  
我僊郎誰是伴僊花

苦熱

一寒一暑自天工誰謂經時暑更攻飛思  
欲來澄帛裏寘身如在火蓮中雲峰四起  
卽甘澍水樹千重不信風讀罷商家霖雨  
誥令人宛暘望神功

觀競渡

汨羅東去幾千秋弔古猶傳江上舟大澤  
漸看龍蛇遠長歌不破芷離愁帆檣隱隱

流驚雷簫鼓喧喧起信鷗聞道年來天地  
震傷心更望望英樓

南郭初成賦謝何仁仲二首

三逕初開小有天漫從人境受遺編林光  
不散風雲思水色常來雉鳥憐萬里春濤  
偏助句數聲漁笛欲忘筌君侯休訝蓬瀛  
近函蓋乾坤學入玄

平生不問杖頭錢背郭幽棲意悄然濃竹  
滴煙煙繫日寒松搖翠翠連天幾懷好友  
吟黃鳥偶縱孤蹤伴素絃門鳳欲題慙客  
駕江魚更寄卜居篇

陽明洞成

瑯嬛舊洞洵奇哉雲夢山頭洞復開萬里  
海氛天外淨九霄星斗望中回筆搖朱露  
經明晦人共青谿鶴去來謾訝碧虛天有  
小窳清早已接靈臺

浴佛二首

即心即佛本無身  
纔作身觀自不塵  
豈是幻泡空色相  
故將湯沐露精神  
法蓮湧起千江月  
聖水淘成萬斛春  
浴罷如來何處覓  
弇州清淨有根因

金剛身世自惺惺  
肯向蘭湯更浴形  
悟入六通誰罣礙  
空來五蘊本清泠  
渡河香象元無垢  
擘海金鷄固有靈  
莫訝浴時佛始度  
大千盡洗法華經

子準至自光州次義陽甫田韻贈之二首

遷客秋來魂暗銷  
故人忽棹剡溪船  
相思積月翻成夢  
對話連牀疑問樵  
風雨有時愁寂寞  
鷓鴣何地不逍搖  
明年此際歌鐘急

聖主懸知束帛招

奏賦幾年卑鮑謝  
論交此日結雷陳  
欲抒

白蓮洲詩選卷之五  
C  
大手椽為筆詎數浮光鴨作茵匹馬青山  
山欲雪雙星永夜夜長春廣陵自是多  
里愧我空餘漉酒巾

愁雨

頻年世事總多奇翻覆雲天莫可知四月  
筭來三月雨連陰轉似六陰時豈將陵谷  
成滄海脩爾乾坤變漏卮捉筆問天天不  
語何時晴旭起顛危

再寄美命二首

春風丙夜一樞衣回首江城萬事非不信  
紫騶駭鹿夢還驚赤壁暮鴉飛百年世事  
唯簪筆千古英雄共釣磯無奈霓霧天不  
散賈生痛哭亦多違

覺來四十九年非忽接新詩字字飛天寶  
幾能賡勝語筆僊獨得躍圓機並邀黃鶴  
樓邊月獨伴蒼龍院裏薇千歲勛華君自

有肯從江漢憶金扉

別余巴州

刀夢初醒度化城錦江不濯本來清波開  
隻字流今古人向三巴颺蒞衡澍澤轉添  
茶椀蜜珮聲遙接玉山璜到時便訊台星  
躋鸞鳳繇來萬里鳴

東閣

城東層閣鬱崔嵬况復春波萬里來宛在  
江頭留碣石直將天眼接蓬萊煙光混合  
千門柳鶴笛依稀幾弄梅真覺灑然埃壒  
外不須回首望三台

送邑令還蜀二首

人生那必煽游塵玉壘山頭錦水濱徙倚  
林臯山吐月裴徊江畔水滌春天家諫議  
佳甥事 聖代衣冠胤子身餘得長秋齊  
物外肯從吹竽誇朝臣

白蓮洲詩選  
吠聲吠影向來繁君賦歸來且自安人抱  
駸麟都按劍世逢萋菲不論官九江霧湧  
風波惡萬里橋紆蜀道難歸到字川憑寄  
語于今海內幾龍蟠

秋江即事二首

江天曉旭散楓紅盤礴蓬櫂出夢東但冀  
千年崇廟祀敢辭一葉泛秋風芙蓉點綴  
清江上鷗鷺低回碧葦中博望僊查差得

似嗣宗那復嘆途窮

八月橫流再楚都千家生計信天呼帶牛  
帶犢閒來往捐戟捐矛任有無洵是東南  
天地坼不教瀛海水雲孤禹功嶽麓殘碑  
在只尺平成繼壯圖

除夕呼祭司書神遂杜鼠患志之

萬卷樓開偏望慮千門耗作更增歎那知  
除夜長恩神名祀無復斯文碩鼠譏宇宙繇來

白蓮洲詩選卷之十  
都有主鬼神何處不通微瑯嬛自是垂多  
識肯向齊諧校是非

五日

蒲光榴火照池蓮燕語鶯花坐夏天無數  
車騎皆北向幾時鐘鼎一南還百年文藻  
何如酒萬里勛名不類僊相見欲譚長命  
縷閒來心遠自三玄

虜退

時疏長昂作歹勾引東西二虜走騎  
闕喜峰石門地方以有備失利而退  
賦得三律

烽火纔傳耕澗嶺將軍早度捍門關魂銷  
東虜連西虜箭定天山及燕山不數三年  
勤撻伐即看萬國整朝班司徒莫漫愁糒  
餉羽檄飛來且破顏

胡兒飲馬石門頭紙恐干戈連不休幾請

金錢分

內府一聞鐵甲掛虞侯笳聲吹遠千山月  
劔氣寒孤萬里秋自是

君王昭聖武肯教閔室浪先憂

初聞烏合擁連營欲向

天朝一請纓敢謂愔閑魚鳥陣但思遠熄  
虎狼聲

至尊宵旰勞籌畫大將邊關洗甲兵頓令  
風煙消萬馬書生唯有誦澄清

皇太孫再見恭紀二首

萬年天子正當陽喜見

神孫載弄璋天授麒麟雙叶美春深玉樹  
一聯芳多男定祝堯封壽卜世懸知周道

昌因覲

殊恩寬稚采謹呼人海日重光

龍樓初轉萬年春瑞靄遙連



白蓮詩選卷之七  
掌上珍政集千官瞻

衮冕喜逢雙璧耀麒麟洵為少海波重潤  
端是前星暉又新欲咏振振誦周后年來  
誰不仰

皇仁

憶舊

治安何處曳長裾半晦園林數卷書不律  
敢辭千古業同人差勝萬年居閒來日月  
看秋水傲盡煙霞憶舊廬却訝下生空有  
泪每從南國售璠璣

客有持孫先傳雲破月來花弄影之律  
次其韻

浮雲初散豔陽天萬里清光度目前詎有  
花枝呈妙舞漫將雪色點輕煙扶踈冕入  
金蟾裏迴合移來碧漢邊可是月華流不  
夜慚和郢曲伴三眠

申伯國為里人惜別却寄二三舊游  
如君今始大刀頭河酌長亭不可留馬首  
遙憐天外月客心獨望雨中樓杏遮關外  
千峰遠義築城邊三澁悠為報舊知那得  
似簫聲鶴夢一黃州

別許仰亭之秦二首

當年水鏡照英雄再晉叅知太白東七澤  
徧傳人似王五陵妖睹馬如驄好將劔倚  
崆峒外更冀梅調鼎鼎中慙抱杞憂逢盛  
事多君韓業繼譙公

許譙國以清白箴賜屬吏拜左

鶯嬌柳韞物華殷一路驅車且解顏虹見  
璠璣元楚璧風高鎖鑰自秦關不妨石畫  
綢桑牖肯逐人濤鳴珮環南國祇今祀畏  
壘西戎它日定轅攀

送何巨川諭鄖西

餘冬蚤識何家舊長夏忻聞臯席新但有

冰心甘首藉不妨車馬度嶙峋  
雲霄月殿賦龍門桃李春漫道  
端人無厚報千秋勛業  
天柱龍門皆鄖地山名何彥德有殿居賦

送黃仲石之廣安二首

碧英紫綬擁星旂君向巖渠我舊游  
贏得治行居上第不妨守相列諸侯  
風高石繖賓人靜月映峨眉篆水流  
欲筆次公循吏傳君家太史在螭頭

夢想靈溪忽廿秋別君如寤動離愁  
九閣封事直臣里  
余同年希泉今健否一軟剛腸刺史流  
但

有紫梨迎竹馬莫將白鶴度金牛  
只今人海穰穰往寄語多材為國謀  
余昔所校士今多通顯

寄謝黎夢六司理二首

薊門烽火萬端憂回首春明別有愁  
不信祇林閑鳥陣漫勞水鏡豔龍儔  
君王夢卜終成夢牛斗浮光祇拍浮  
人世

知逢能幾得欲將策杖峴山頭

聞家之子美如瑛繞聽銅鞮更有聲天柱  
日高翔鷺鷥習池春曉靜鼉鼙暫懸衡鑑  
評荆楚便挾風霜弼

聖明卞氏未須長太息年來何處不琮璜

### 郊望

楚天不斷四郊霧閑日偏生一種愁有客  
獨懷蜚景劍何人更上望英樓春催艸色  
烟將歛柳弄鶯聲翠欲流見說蓋臣多獻  
納可能不律壯

### 皇猷

#### 贈田令之維揚二首

碧雲玉露爽新秋錦纜牙檣快勝游光燭  
南天元世系君家况有照天蠟  
燭之號尋入相氣凌牛斗自吳鈞

耀金定屬還金相攜鶴應殊跨鶴倚岐路  
贈君因囑別只今廉吏慍

宸旒

英雄誰不欲紆籌此去東南一劔收滿目  
菰蘆看馴雉千門駟僧試屠牛橋頭月引  
歌笙簇波面蜃移瓊葉流儻奏治行居上  
第當年渤海見真州

送董鴻臚南還有懷少伊老師

癸未

相逢自古憐分袂况也通家遠別離三月  
鶯聲隨去旆千山柳色淡行卮歸嵩應棧  
王生肩渡洛還開董子帷戀戀不堪桃李  
意幾回搔首五雲墀

從江漢歸即事

燒殘黃葉讀殘書斜倚柴門賦卜居舟入  
長江無柱檝人歸烟數有籃輿東京清議  
誰為備澤畔行吟跡且漁聞道伯寮猶故  
態年來

天聽密還疎

是時聞有蜚語懸書宮門上置而不問

白蓮詩選  
長至同衷獻引霞茂材蜚卿山人集小

祇林

永和賦就古今奇詎向吾園再見之線影  
長添千歲日林梢敲動七分詩楚材不信  
青雲渺蜀客那嘲玄解遲慚附同聲無個  
事漫隨松月度清池

壽景汝貞即百壽圖為賦

丹鳥翔集慶長年純嘏如翁洵百全滿聰  
玉麟游聖藪更瞻文鳳颺南天三巴宦業  
岷峨遠七澤清門日月懸况是玄言多妙  
解應知綠野有真僊

元旦先公崇祀鄉賢喜賦五律兼以志感

誼塗石羊八十年獨將心緒問蒼天詎來  
菟隱

明王詔遂侶孤忠令尹前

闕先生同祠

大澤謹

呼連鼓吹元春綵仗繞雲烟漫傳貞靖多

奇邁願取流風啓後啟

勁節高標驄馬行于今祀典續三程敢云  
出處同俎豆唯是公孫颺蒞衡春送江干  
千歲綠月移陪尾萬家清當年忘勢渾閒  
事迺有聲聞接夢城

先御史有隔浦水清鄭湖月明之頌同崇祀

世道何常不論訛繇來負贗別妍媸善人  
蚤繫東山望質行但徵太史詞劔合雙龍  
誰博物璞當三獻自逢時衡茆久拚成涇  
沒何幸婁江一見知

河洛相傳幾百秋幾能趨步印前修悟來  
十善翔鸞鳳解到齊觀應馬牛株守清白  
鏡表正世稱長厚不波流只今陟降神如  
在詎艷當年陳太丘

關名宮墻萬古維名教俎豆千秋表丈夫  
媿觀穆陵餘紫氣應知空谷有白駒片腸貞處

通天地大羣生平作楷摹為問悠悠入海  
者何如龍德是良圖

祇林示渝州客

深竹閒園偶辟疆長吟散帙自踈狂君從  
渝水攜游女我向祇林寤上皇望裏崆峒  
誰倚劔愁來日月幾飛觴東風似解幽棲  
意吹入長楊和景陽

客訪祇林有作次韻以贈

山鳥驚呼有客來不教春日獨裴徊風迴  
柳浪塵初淨香吐松欒花競開愧我黃蓬  
無個事多君白雪有餘材百年河洛今清  
發好共論文引潑醅

代與雲為會

彈鋏欲歌歸去來宗公邂逅且儻徊苑邊  
細柳教春住江上閒花應候開誰信乾坤  
偏逐客須知湖海亦憐材便拚若下如泥



白蓮洲詩選卷之七言律  
醉咲解殘貂換舊醅

賦得困人天氣日初長

二月曾無不雨天纔看書永倍愀然東風  
偏喚垂楊夢遲日聊熟橫笛篇搔首漢廷  
空劔履驚心胡馬破暝烟乾坤欲灑新亭  
淚莫待揮戈着祖鞭

晴霽百花香二首

晴旭纔迴萬里光羣花開散一天香漫移  
佳氣浮金猊爭吐奇芬撲繡裳蝶夢自醒  
還自舞蜂屯誰溷更誰忙君家香案前頭  
吏對此何如侍玉皇

春來誰不漾晴光偏爾花紛百和香繚繞  
恍依天竺國氤氳欲散月氏囊芳容艷處  
連朝靄淑氣颺時帶靚妝蝴蝶夢醒應更  
適栩栩何乃逐春忙

喜同宗白鹿捷庚戌得二律

碧山珠水鬱奇英喜見梯榮甲郡城綠鬢  
才華高八斗青霄組綬續三程風搏北海  
神魚奮光燭南天劔氣橫却憶  
先皇庚戌事助時勛業好崢嶸

當年庚戌愁胡馬頃歲承平蒐駿英但冀  
許身同稷卨寧為揆藻述朱程花探御苑  
榮青鬢玉獻荆山重白珩如意提來懽自  
舞吾家有子步端明先公學士事

代壽景汝貞七十即圖為賦

桃花巖畔閒仙子雲夢山中葆至人不弄  
柔情攻翰墨但拚鴻業屬麒麟舊時環珮  
君王寵此日笙歌錦綺春海鶴圖成貞善  
祝雙雙邀筭到靈椿

春日祀夫子山即事時偕同物行及之  
四郊烟霧春猶艷百里車騎行且馳喜有  
宗公惠宗黨敢云取胤禮取祠風颺松柏

浮王氣雲鎖山川護短碑是處兒童咲相  
逐親心想亦樂無涯

桃花淨盡菜花開

陌頭游騎往復迴桃花菜花斷續開應是  
風光共流轉可知春色暗相催飄飄不點  
滄浪面歷歷爭搖平圃苔願得蒼生無饑  
歲漁郎何必涸溪來

愁讀郵書薊北楚南事

祇林春靜澹諸緣一讀郵書思惘然塞馬  
塵高空野草江藩浪湧蕩危艀縱燃犀照  
那貞贖即攄龍馭誰後先闕室停梭漫無  
語乾坤消息問蒼天

冀觀察繇始仕歷守邵陵數遇

覃恩凡

六命貶封兩尊人殊榮也律以慶之四首  
神駿元推冀北材

龍章馳向楚南來仰瞻

帝澤深于海俯聽輿情謹若雷

詔出五雲榮岳牧恩頒六命映星台慚余

不律何能紀戩穀詩篇次第裁

楚天能幾振雄風

贊冊于今華袞同棠芾陰濃江漢外

絲綸光燁殿廷中行春車騎分新綠向日

珈瑜帶曉紅試聽荆西多籲祝還期彝鼎

勒膚功

三載治行居上第六珈

懿典錫承明驚看豸繡紆金紫疑挽天河

洗甲兵瓊冊瑤函光璞玉龍翔鳳翥颺籟

蘅丈夫忠孝誰霍美卓冠南天十五城

天聰經年多黻纊

皇恩此日遍勞臣揔為中憲勛華懋洵是

高堂福澤新虎拜

玉音榮國寶鴻宣綸綉重家珍况聞竇桂  
滋旖旎再續燕山報紫宸

聽催耕聲代三農望雨

適歲憂時更憂旱十日無雨則無禾赫曦  
不共輕陰散雄雉偏驚清露多莫是海東  
憐婦憤詎從江畔悴漁歌催畊虛有聲聲  
喚負爾耰耰可奈何

中丞馬定宇公今祀鄖子名宦賦二律

岱宗鬱鬱高天下靈秘開君第一流正色  
不淄鸚鵡使直聲益振驪驪裘煙銷漢堊  
千家澍月映桃蹊萬樹秋俎豆絲來繹  
盛典宮墻今始得名侯

聖朝刺史幾名良水操風猷震鼎璫缺覩  
弘農多虎渡驚傳鄖子有鸞翔金鰲保障  
三湘望

玉殿廉能萬禩光見說海濱禋祀久何如

江國歲蒸嘗

走筆寄乾肖中書

寰海忻逢桃熟年  
祝君兼誦大椿篇  
絲綸邃閣文章麗  
宮保承家劔珮聯  
雙桂喜搖金粟月  
百杯豪舉藥珠天  
只今蒲國翩驄馬  
侍從相將向日邊

讀今士大夫好勝風聲氣習日趨日下之疏却賦

但聞風雨多翻覆  
誰解乾坤漸褻氛  
渾沌鑿開俱是竅  
江河挽去尚為沄  
生憎彘鼎銘商癸  
直弄鉛華駕晉雲  
世道人心何底極  
艸廬高枕日斜曛

走筆寄同物欲如七夕之約

去住南天經幾時  
不聞征雁度歸期  
樽開遙飲滄浪月  
蟬拍偏吟子夜枝  
客裡晝餘誰作伴  
夢中家在可相思  
非關欲乞人間

白蓮詩選卷之七  
巧好指銀河問別離

誕日寫懷三首

有筴欲籌

今社稷無媒可躡漢風雲眼看白髮三千  
丈腸斷青萍萬里勳掃逕劇譚消玉局抽  
毫覓句惹鄉芸人生用舍元非偶祇拚龍  
鍾艸木羣

吟餘梁父起蓬蒿肯老英雄在隰臯海內

上書多野戰

殿中決策只天弢赤塵暗引烏孫劔孤艇  
長驅八月濤世態閱來殘午夢不妨席地  
酌松醪

千秋萬歲揔虛舟挂笏長林亦聖謀海日  
幾時蕃駁馬乾坤何處不沙鷗遠游漸下  
支機石直道終投集翠裘漫數生辰磨蝎  
月清光偏伴醉鄉侯

七夕同雲和諸君子南樓翫月二首分樓字  
碧天籟靜海雲收銀漢橋橫牛女游露坐  
非關人乞巧與酣尚有客登樓斗邊燄起  
雙龍見檻外江空孤鶴悠吾黨人人能作  
賦好題庚戌壁山秋

萬寶初成大慶月同人小集武昌樓杯傾  
天海邀槎使簾捲瀟湘晃玉鈞四座光搖  
南郭几一聲詞發滿城秋人間莫作商參

會記取源源續此游

寄畚文溪如侯者今可多見

江漢經年有怒濤獨將不律遂孤高閒來  
日月但鉛槧觀到乾坤任桔槔五夜滿聽  
黃鶴笛千秋偏餌赤盤桃山中宰相今召  
對近代淮南必爾曹

郝聚崧訃音至二律哀之

生平不解陽浮慕投契如君倍愴神榻下



白蓮洲詩選  
八年璫作侶厨焚一夕桂為薪煙橫瓠水  
虛鴻羽春滿叅山憶鹿輪莫謂村氓無涇  
渭扶筇杖泪問蒼旻

星軺纔聽解征衣延矚重來碧幢幃蕉鹿  
夢成徒幻想修文郎去竟忘歸共斲雙璧  
攻青翰即以韶年入紫微千歲吏猷將繼  
美肯令江國但歔歔

詔賑西北枯東南浸民饑恭紀

聖主垂旒萬類昌式微遭運詎殊常東南  
波浪兼天湧西北歎蒸比屋荒  
詔發金錢勤漢使恩廻雨露禱商皇但將  
權采除天地揔以生成頌廟廊  
喜大夫力復涇水

布巖斜帶萬年流忽漫房行五百秋應有  
楚材助大運却教漢吏劃紆籌波開沙礫  
勤精衛風送颿檣泛斗牛聞道碧霞留識

久會看騫武玉班頭

來台怡堂二律

卜居那事豔堂皇偏豔堂前棟萼芳鏡膽  
銅肝驄馬使金和王節鴈鴻行祇應合鑿  
呼雙雋不向三巴誦五常紫極佇膺  
明主詔青縑散滿辟邪香

杜陵昆弟隔風塵同室如君情自親簾兩  
滿流千筍義棟雲長住四時春怪來尺布

謠淮水會有雙龍躍

張華稱陸氏弟兄

漢津共道江門蒙上

賞再看周闕晉君陳

贈慕劬別駕以督木如燕二律

江國何人不誦馭材譖能幾冠南天清風  
不染紺珠色赤手能銷藍縷烟但有勛名  
懸楚服肯將心緒計芋田贈君遙對胡笳  
月好借銛銛鋒勒燕然

寰海穰穰誰補天如君任事洵勞馭春車

纔駕桃巖外星劍常磨漢水邊一代棟梁  
寧杞梓九重壯麗待楠楸雲霄欲副憐材  
意遮莫聞雞快祖鞭

別令之臨洮得四律

春風春日擁行駢惜別猶令壯思飛夢澤  
五年多惠政秦關八面揔兵機胡兒未許  
闕堅瑕河套毋勞問是非因憶隴西行後  
日秋高風勁急征衣

屯田水利近何如

闕下新懸左國書豐艸幾能開上腴名王  
尚欲捲穹廬漢家長計元非拙星海沿流  
未是虛但得救寧如在楚邊關無夕不安  
居

驚心天地祇邊防五路年來思漸狂娘子  
弋弓無固志將軍握槊有餘忙鶴鵝夜半  
烽連雪龍虎城孤沙滿囊此去分符先積

貯真稱未雨誠苞桑

居官今見長兒曹天相勞既有鳳毛謾道  
惠門開四戟喜看花縣植雙桃光搖岱輿  
連東壁波湧滄溟接後濤鶴髮慈親真有  
慶絮緘不待冷臨洮

贈鄧廣文之夔門二律

夢澤風颺鐸韻悠夔門日煖妖鳴騶且看  
魚復龍蛇陣莫厭瑯邪麋鹿裘居偏清濂

真楷塗

梅溪先生有取友要如山勝已居官當似水清濂

之句書夔館盤堆首宿自琅球三年侷指毋  
難別百里疑眸次列侯

蜀道何妨叱踰輪西南天地本相親星沙  
一派瀟湘水巫峽千門桃李春是處探奇  
供河酌有時散帙賦垂綸憑君寄詢吾師  
後明惠于今幾達人

邵司馬養齋余師也

不為軋茁語而意象瓌奇深于天寶

機杼者可語此

楊太府以四月廿一日誕辰采兒童走  
卒籲天詞為二律

帝顧東南思漢吏治行恰共斗山齊羣詔  
潁水為涓水獨計關西是蜀西春滿金鰲  
游鹿馭月高玉壘下雞栖大椿不盡蒼生  
祝洪業還看紫閣題

華誕佳辰同普啟慈雲慧日景風天試看  
岳牧江城上卿遜旃檀海嶼邊光燁聖燈  
流部屋譽蜚清梵徹紺泉人天繁祉應無  
量奚翅彤庭頌萬年

乘浴佛會再修社事

覺來金粟是前身再向龍華共浣神豈謂  
引繩登彼巖齋教舍筏渡迷津雨花欲散  
諸天靜風鐸如開白社新千歲惠連今莫  
夢綠波芳沼滿青蘋

雨後即事

喜雨欲消六月暑吟風纔接九天涼蓮緒  
帶荇疎復密蟾聲咽露清且狂敲殘玉局  
神還壯夢到金門覺後忘懶着客衣酬冷  
面自譎自味立蒼茫

走筆書楊子英扇還楚并寄美命以代

雁字

乾坤窳澹一端人與爾逢迎自夙因詎為

湖山探列戟應知江漢有垂綸

朝廷旦暮招黃鵠元老風雲捲赤塵寄語

筠松休問卜即今蜚景合平津

祝雲岳六十口號

祝君初度杖鄉年江國誰能陸地僊文鳳  
青霄鳴旭日應龍滄海弄雲烟眉低玉案  
偕難老手探金鑲叶夙緣三祝如君猶有  
慶黃花綵蝶領樽前

端入凶問至詩以當哀

江漢端人何處求漫聞消息涕交流金沙  
騷就三閭賦鐵笛吹殘五月樓風動胡笳  
誰拊髀雲橫鴛鴦序幾紆籌向來碩果留天  
趣何意乾坤一夜收

菊水朱太府令辰采民謠而為之什

茂齡姱節多羣辟邛子剛紆第一籌缺睹  
文章高北斗更推政事冠南州桃巖雨過  
千山麗紺水源深萬里流在昔相傳天保  
頌于今聲滿楚江秋

金颶玉露雁鴻天碧葉珠英簇綺筵北海  
策勛心似水尚方請劔節如弦好題漢吏  
循良傳先續周廷嘉樂篇欲劾封人頻致  
語繇來名世自長年

搔首得白髮自嘆

一搔白髮一迴腸自笑狂夫老更狂鏡裏

形容羞槁木眼前人物半風霜  
夢驚散帙神偏往望極雄飛道  
欲昌世局天時揔翻覆何因請  
笈對

君王

今之什動稱盛唐然唐無它科  
唯此生平以是運機則神來思  
來揆藻則若無若有而真情妙  
解處觸穎隨生非若近代之枝  
蔓相湊合也大都傷

難則閉門擁臥竟成嚼蠟傷易  
則漁唱樵歌祇供盧胡且毋論  
聖如子美別有風範即王維岑  
參儻更千有餘年而讀之猶可  
以興可以觀非妙解能至是乎  
白蓮作者勿中中眎之送張誠  
字應司寇召北上得三律

帝顧民岩思碩輔特

召元老轉彤庭猷參劍珮先司  
寇勛列簪



纓一呂刑

禁裏董宣依日月殿中曹節避雷霆調停  
政藉清時望肯令騷詞賦獨醒

幾蜚清譽楚江秋欲繫征車不可留召席  
趨朝白簡在夔龍遮羽紫烟收萬年解澤  
流棠蒂一片冰心映爽鳩聞道上臣多晉  
錫恩綸還詔望英樓

誰拔秦彙解天弢名世繇來意氣高水鏡  
蚤推忠武轂宰官先佩呂虔刀但從燕市  
來騏足不待龍沙卜鳳毛入見  
聖明如賜問祇今圭竇滿英豪

勃宰為理窟故是司寇公忠謹後來  
宵小戟手而貫宿稱平乃老成之益  
人國若此

書少靜百壽扇

誰將百壽懸紈扇持向君前介百觴不老

人間大庚子况為蜀道佐書郎望中郝桂  
紛丹萼籬下陶花競晚香煙澤但期常適  
志乾坤何必識雲房

大夫子始生六首代

春轉璫枝纔吐芳霽雲繚繞德星堂稔聞  
封內多男祝初飛堦前百子祥天授麒麟  
來孔聖長成鸞鳳應

明王便提如意為君舞肯誤毫端寫弄璋

幾年望切掌珠生忽漫門闌瑞霽盈大已  
酉同小已酉前長庚映後長庚高襟真協  
芝蘭願王母纔聽呱哇聲見說竇家初植  
茂政逢雲澤治行成

是時宰之母至而宰亦致績

漢吏居官洵韓貳兒孫贏得達人來召家

嚴父杜家母楚北奇男濟北材

君家子玉為濟北相

佇有

英風高泰岱遙看佳氣接蓬萊只今庭鵲  
都喧瑞三戟名門次第開

宰年已酉子生已酉遂有前聯時與  
雲調謂可再得乎率爾得濟北句亦  
自仲之

挺然餘得帝廷身幾憶宗禋幾感顰詎授  
奇嬰星應昂恰逢陽月嶽生申千年碣石  
留文種萬里風雲解夙因秀麥翔鸞都奏  
異斯男端亦徹

楓宸

德星介福洵無涯晚抱寧馨占百奇似度  
泰巔蹤岱輿恍移玉樹蔭瑤枝傳來祭戟  
誇高第羸得琮璜重聖時聞道編氓今再  
祝它年飛鳥浥江湄

績奏勤勞徹

帝京呱呱聲復動卿卿君家子玉繇神相  
天上祥麟更晚成應是紺珠光渤海可知  
郝桂族蕭蘅祗今閔室懷時事佇望英齡

佐

聖明

壽王翁七首代

陽惠方臨天地復人生大耄古今稀漫思  
僊令雙鳧適更喜元君五馬飛聲滿銅鞮  
多介福光浮簾水摠清輝天章已拜  
君王賜國老還應詔紫薇

漢東治行誦無雙更誦君家慶澤長紫邏  
何年譚戊巳清流盡日味玄黃但將玉案  
偕人瑞佇有

金函出尚方摠是士民紛籲祝定傳懿鑠  
史成藏

麋壽絲來有夙曰如翁風度自高真勛貽  
邴桂盍須我澤在柴桑豈厭貧鳩杖幾人  
膺

帝命龍文何日不儒紳謾將八袞訶難老

甲子從茲數大椿

尊人幾得兩齊眉  
兕觥遙傳一政奇  
緱氏嶺邊笙引鶴  
瓊州道上使留麾  
霍懸日月芳瓊樹  
長伴乾坤捧玉卮  
童叟頌言卿悉意  
載賡天保萬年詩

甲子筵開八十辰  
金緋爛綵映兕觥  
江東舜日牖傳頌  
冀北堯賞不計庚  
千歲勛華班岳牧  
一時唱和動公卿

聖明還擬蒲輪召  
肯許黎陽賦采榮  
蜚譽居然陳太丘  
元方今復領南州  
三朝飛鳥仙家令  
八面材鴻邛子侯  
冰玉壺中多國寶  
瓊瑤樹底遠孫謀  
持觴更進華封祝  
泰彙連茹天畔收

仁風遙接楚江濱  
真壽駢臻大耋辰  
召父鳳鸞元有種  
文翁桃李豈前因  
觥浮玄酒逢良節  
頌滿蒼生慰老親  
可是子陽多戲

穀天南天北慶長春

代贈郡刺史入計二首

芙蓉城邊錦色奇  
還驚駿杰起明時  
春滿金鰲三秀草  
風颺桃洞萬年枝  
文翁懸鑑知重遇  
廉叔褰帷洵未遲  
入對

聖明褒岳牧  
璽書遙見下彤墀

綠鬢玄文第一流  
暫從岳牧奏紆籌  
春回萬紫桃花洞  
月過孤清黃鶴樓  
重見文翁

來錦水共聽朱季守南州  
只今天語褒良吏  
還許勛名史宬收

寄訊何太史公并謝序文之贈因以勸  
駕二首

三年江漢復何如  
只尺疏過學士廬  
遙見梅花飛勝句  
幾時竹葉話凌虛  
金甌姓字蒼生望

玉殿班聯紫閣儲  
聞道向平婚嫁畢  
歸朝

起草治安書

暮雲春樹久相思老我今逢

帝者師天上幾回霖雨夢人間一灑鼎彝  
詞敢云博物占龍劍竊比屺山贈素絲世  
局漸成交態薄感知長此勒心碑

輓乾肖三首

生平不解人間溷此際翻為地下游半世  
執文千載業

兩朝宮保五湖秋望中藜桂餘薜蘿夢裏  
鶯花任去留可是乾坤多侘傺頻看泡影  
落名流

幾年意氣欲逃禪長日依違繡佛前漫倚  
危欄闕皓月閒隨玉樹咏青蓮不將苦行  
叅無着翻似雙成侶自然此去遮須應剎  
覺空餘真冷寄雲烟

莊子語

祇聞齊物話彭殤誰謂浮生若個長倏去

白蓮洲詩選卷之七詩律  
候來貞露電半疑半信更蒼黃應召白玉  
樓前記還佩玄夷使者章獨有巖風哀不  
極助余涕泗血沾裳

中書君晨起禮佛索句外不波世習  
而青蓮館與九吟園則其撰著杰然  
者翩翩佳公子也年四十後為種子  
計心神未免少衰令千秋之業不竣  
而功是詩蓋摹其真已

夜共本如中丞話舊賦得二律中丞公  
時以特簡往經略西南夷自有石畫  
牛馬走愛莫助之云耳

羊城惜別幾經年暫駐檐帷藍縷邊欲賦  
高軒慚二美忻逢大老受三玄即聽龍虎  
寒瀘水遙見風雲捲紫烟捷奏

聖明成韓業好書稗史副瑤編

開濟元勛自古今揔紓長策在攻心非關



越雋然灰燼但計南天有縱擒馬上將軍  
鳴玉靶洞中蠻子竄幽岑繇來大勇渾如  
怯莫謂雲林慮轉深

誼台中丞公得請休沐成四律為別

乾坤何處不雌黃惜別荆江正蓀苾鸚鵡  
飛來翻貝錦驂騮歸去識羊腸三湘不盡  
霓旌思尺疏猶聞冰蘂香世態浮雲那足  
問行從大伾轉巖廊

文武兼敵周室雄如君名世幾相同艤  
遙運三軍粟棠蒂高颺七澤風政藉紆籌  
安嶽麓還期長劔倚崆峒偶然枝葉繁天  
外材駿繇來不阮窮

介福唯聞今昔誇汎觀人海幾君家堦前  
鄰桂搖秋月堂上靈椿帶曉霞舞罷斑斕  
隨絳節咏成玉樹伴黃花天倫樂事真餘  
慶况是韶齡未有涯

自述  
卷之七  
詩選  
下  
七  
言  
律  
五  
五  
艸廬長日萬言書無那童心不我如文采  
未能闕布豹吹嘘幸得剖璠璣千秋知己  
為誰耦三戟通家敢自疎岐路不堪腸欲  
斷隨風迢遞送征車

讀緯真知命篇指數人生浮沉如指  
諸掌以觀于公方盛年抱應變材為  
中丞不匝月而為弋者所慕豈非命  
耶或謂欲親同僚而番以口語取憾

固知造物弄人輾折康莊莫非命也  
代咏龔節婦

孤燈永夜曙光微慘澹修文人不歸祇向  
九泉拚委露可堪雙老惜殘暉泪枯鶻血  
烟寒櫬腸斷猿聲月度幃只此  
聖明憐不極况今滿道盡歔歔

別鶴臞之岳陽

君以茂齡乙榜勉從署事八閩九江

兩學士今有榜樣且拭目望之

盛年才子去帆揚送別滄江政祿茫鶴背  
僊人橫寶劔鑿坡學士試瓊章捲簾青嶂  
來衡麓醮筆白波撼岳陽莫以高齋多寂  
寞辛夷首藉兩含香

贈對揚博士

少年端品鐸聲颺况復材名甲楚湘五夜  
尚哦青縹帙半塵不點白霓裳門留鉉路

三台近春入桃花萬樹芳誰謂廣文多寂  
寞看君金馬躡鵷行

鉉路賀所創者

誕日漫書

春秋卦氣混韶光斜倚烏皮看蟻忙海上  
僊人空色相壺中甲子別玄黃閒來坐對  
千峰月夢裏驚聞五蘊香可是衰殘虛艸  
木但拚性命海天長

水心淙即事

綠陰馬繫垂楊道赤水橋橫薜荔洲草閣  
遙分南浦雨布簾高捲北山秋有時伴月  
閒敲局到處迎風漫狎鷗不是書生多曠  
達年來難攄杞人憂

措大文字番不及梨園本動人其情  
趣殊也此情趣何可率眎來

臥病間太府見枉因憶客至但知留一  
醉盤中唯有水晶盃之句不能也殊

以為僞賦什謝之

秋來蹙蹙自天叟忽漫江干車馬勞硯北  
祇看餘藥裹墻東但覺長蓬蒿顏開長豫  
情偏雅絹裂康侯誼獨高清遠至今猶在  
憶聊將感遇托濡毫

波連天地五湖秋斗逕翻為接軫游白鳥  
故催楓葉染赤塵欲傍月華流何來朱季  
籬邊話似向陳蕃榻下留人世飄萍多聚

散却憐星聚不綢繆

壽許石城先生 癸未

鸞笙兒觥敬綺筵咲引乾坤不老年海內  
舊傳文字伯人間快觀藍趾珠天煙消牛渚  
謔黃鵠月滿獅山飲紫僊筆驛遙同諸子  
祝三台元自壽星聯

贈別八柱丈之官丈自材杰當龍津地  
知必有光燭天茲遠道不為勞也

珠英碧葉簇深秋君去閩南自勝游家有  
賜書大學士野無懸磬古諸侯千尋棠蒂  
移江漢萬里風雲起海陬車騎不妨今叱  
馭即看

徵詔鳳皇樓

雄渾有金華殿語之致

唁梅母代

電光石火揔前因人世何能不慘神南國

白蓮洲詩選卷之七言律  
政濡新澍澤西川忽蹙舊眉顰魚分丙穴  
那成鯨雪擁碣門偏折筠聞道多男皆象  
美異時燁起賁絲綸

白蓮泚詩選之五

三一子雲夢程德良著

舉人門人謝繼程選

同社生邑人萬光校

五言絕句

身雲樓

悠悠檻外飛閒閣上住散帙有餘清淨  
雲反相慕

小有天

五笏疇非地一腔別有天  
本來自寥廓何處不前川

大癡道人所為圖玩之冷然有霞外風  
致即圖占四絕亦欲作如是觀

桃花對我咲種就不知津漁父來剝啄山  
中初見人

萬樹簇籬薄于中別有天相對那長語紙

聽山間泉

犬迎如稔識鳥驚知客來不記何年代一  
任山桃開

吾屬疑秦人此地呼桃源客從何方來門  
開已忘言

草廬

水鏡人已遠草廬日偏長  
唯有梅花親殷勤撲暗香

水月臺

上有千嶂月下有萬斛水月湧大江流人在瑤塔裏

舫渚

湖山幾間渚天地一虛舟慢問支機石差堪棹上游

四更山吐月警句也于時有見而賦

河明星更稠山吐月微小為問遠行人前

路知多少

前此已陟清華更于日暮時不作步

兵觀而折腰事督郵得無懷然

御風處

赫曦炙游人濃竹如有待面面送汀風那必旃檀海

憎蠅

點玉捷更巧呼羣往復還廬陵懸有賦何

蘇詩選卷之五



事不頽頽

桃花點水

誰植玄都觀  
蘼薺似及時  
東風解相妬  
故下清池

愁春陰

草帶烟偏黯  
楊旗露未舒  
可知鶯弄曲  
不是喚相如

月夕為過訪者酒

月午夜未央  
玉缸撲鼻香  
彈鋏何為者  
尊開即孟嘗

葡萄谷

銘云貝丘之南  
金母所貽  
青紫結蔭  
寶珠纍纍

江花然素谷  
青紫更為容  
一杖移珠帳  
誰人識伏龍

五言絕  
董董耳言有盡  
而趣無窮  
乃

為得之

白蓮汧詩選之六

三一子雲夢程德良著

刑部郎門人傅 借選

同社生邑人景曰壁評

七言絕句

見牕月

烟霾初散不為霖  
四壁蛩聲雜暮砧  
山月似憐幽客枕  
夜深時向綠牕尋

草色青青送馬蹄

一片靡蕪萬折蹊東風匹馬向遼西妾身  
不及江頭草澹澹春容處處隨

博望驛

星使槎回關已開蒲萄天馬向瓊臺至今  
不散弓刀月疑是皇華博換來

雪日別孚如之白門二絕

楊花未吐雪花飛送別離亭絮滿衣君去

莫嫌前路冷天鋪冰玉襯征駢

當年啓事動明光再借山公鎮帝鄉非關  
文事兼兵事還擬淮陽入雒陽

張澤臞以太史遷歸江夏客有壽青牛  
圖者占一絕

一腔清淨萬峰雲紫氣關前誰得羣呼馬  
呼牛原不校若張若李本無分

百古

曉春初拂萬枝開反舌嚶嚶百轉回喚醒  
東風猶望幸昭陽殿上已多材

聞催耕

隴頭風雨乍驚晴啞啞簷前巧作聲民事  
故同王事急却教春鳥也關情

別劍客

紫髯鰲顏馬首逢幾將玉局話英雄遙聞  
烽火連三月未許鈴韜屨吻中

石琴

江天清響動芳林半是松石名風半是琴世上  
子期終不少高山流水有知音

西樓

芙蓉秋水澹雲煙徑轉西樓別有天樓上  
僊人吹玉笛乾坤吹徹幾千年

漁石

谿畔鷗飛自往還水心不減老人顏周家

八百春秋日却在絲綸卷放間

南郭

碧水青荷帶白蘋小橋斜度兩三人城頭  
車騎閒來往不種桃花也問津

送若谷游大學一絕

千金臺峻紫駟來羸得書生袞博回去日  
黃花秋萬里歸時紅雨一天雷

別長源之燕三絕

車騎真不愧薄游囊劍蕭蕭挂敝裘漢吏  
漫譚孫子長一官已是十年流  
年來點檢白雲篇滿目蒿萊紛紫煙河內  
不須勤借寇殿中早已待名叟  
邊關盡日愁胡馬驂駟尚老鹽車下儻然  
魚水叶金門肯教烽火連天野

黃仲石以司理賑饑二絕

錢穀誰教問李官漢廷長孺借登壇何妨

籌唱黃塵裏一日取勞萬姓安

不堪藍縷楚江秋斗水能令涸鮒游雲夢

山中無菜色紺珠泉外有蓮謳

### 七夕雨三絕

去歲秋江欲成海今秋雲土欲成江共看

風雨多飄忽不放雌蜺度綠牕

三時不雨愁雲漢七月連雨翻江河欲向

前村問消息鳴蜩驚起兔兔多

鵝鵲那能刷羽翰水雲不斷暮天寒家家

慢引鍼絲孔人世何如一拙安

### 走筆別奕者

桃花細逐柳花飛敲罷殘碁坐翠微莫謂

爛柯生獨解長安一局已都非

三月期仁仲不至以句來次其韻為會

### 不無過門之憾

鶯嬌柳鞦晚春看盼望僊鳧地不寒一水

孤帆江上客至今人說子猷難

甲申理渝諗外王父九十令辰却寄

釋冠鳩杖散林臯羸得春秋慶大髦甲子  
不從泉石老德星光並壽星高

對雪二絕

尋梅索句興偏孤片片遙從雲漢鋪天意  
似憐清意少頓教大地化冰壺  
數月歎蒸詎忍聞六花飛出萬重雲遙見

胡兒將牧馬雜禽不待鶴鵝軍

竹林繪事

若个檀欒世外清任教竒筴不關情五侯  
七貴今安在羸得林間數子名

喜雨

漠漠黃塵迷曉騎炎炎赤燄赭懸蘿輕雷  
纔送千山雨便覺人間樂事多

中書以青蓮吟見寄恰逢四十二辰次韻

二絕

菱荷為佩蒞為紳采綴青蓮似即真三萬  
六千僊管日長安不老甕頭春

北海六畸懸日月巨山霍筆啖乾坤從茲  
白首齊蜚譽况復緋袍下至尊

巡使初衙鄖子途有添丁之喜占二絕句  
三瀝羣呼迎竹馬連珠更喜授麒麟迺知  
明直多天相玉樹瑤蕊接大椿

幾年治行高南嶽此日卿雲鵲吉門明澧  
那須修漢澧居官今已長兒孫

百二春光是一年以三月閏同雲和諸子

賦之

花暖松高穩晝眠閒衝榆陣看荷田吾儕  
豈是秦關客春月重游百二天

清池皓月

誰將水月入祇林不點河沙趣轉深望裏



鯨鯢空出沒個中石鏡自浮沉

雨後樹精神二絕

半含秋色半含春忽漫枝頭覺有神聞道  
玉皇勤露禱夜來時雨過天津

元化從教赤手扶撥開蒸鬱萬榮敷枝頭  
尚帶風雲氣葉底添搖明月珠

隴頭秋望二絕

不盡黃雲往復飛隴頭今始稻梁肥無端

更向南湖望一片風烟接渚磯

千里煙波八月秋三湘不解九年憂此情

欲寄趨燕鳥別作啾啾響殿頭

一片冰心在玉壺

無礙乾坤誰局勝不將白壁點青蠅眼前  
蒼翠渾閒事纔道玉壺疑是水

感舊曲

半朝半野半含愁欲繫斜陽迅若流鏡裏

慢驚霜鬢改眼前童稚已白頭

閨思

露華散落月華光望裏榆關勝望鄉坐久  
雲移似相惜半輪清影落流黃

白蓮汧偶成

一灣野水似重溪數點芙蓉小逕齊亭午  
覺來渾是夢柳陰深處忽鶯啼

唐人絕句膾炙千古妙在字句有蒼  
色而趣有餘思白蓮可能方馬乎

過黃梁夢

宦情終與世情違一枕黃梁且駐駢觀破  
河山俱是夢風沙霾霧接斜暉

晚霞後見月

雲散霞流萬疊清一灣初月挂繁星無邊  
只有天家景綴到詩腸筆不停

別蔡維州二絕

布帆斜挂楚江秋，君去平羌五馬侯。明月  
不須憐遠道，清光常在碧雲頭。蔡明月民謠也  
籌邊樓畔雪堂開，萬木風烟隔岼來。莫訝  
夜猿驚旅夢，江聲湍急不聞雷。

書柱石圖絕句

陸續為鬱林守，止載一巨石故名。

鬱林端矗起中天，色借西南一段玄。怪得  
宋家投契者，幾回袍笏拜君前。

確山道中

朗山署裏竹數个，澗水城邊松幾叢。松篁  
對客應長笑，馬首西來又轉東。

對雪

瑞雪翻成積雪天，棧居長日枕書眠。寒處  
不親無燄火，空來恰解有心禪。

孫真人著論謂神僊傳數十人，皆因  
惡疾而得僊道。以其割棄塵累，因禍  
取福也。叔子母乃類是。

燈節有懷衷獻

寒風猶吹艷陽天  
新柳勻黃半欲眠  
西園美人坐無語  
滿城燈火落簷前

嬉咲怒罵皆成文章  
豈其子瞻流亞  
悲春午

春深漁父徑偏賒  
是處桃紅可宅家  
一夜東風吹萬里  
望中惟有化蟲沙

聽曉角

倚肩顧步兩鴛鴦  
風散孤飛入白狼  
夢裡不知胡笳曲  
忽驚曉角數聲長

別梅長公

二月東風帶曉寒  
省親歸去子心安  
芙蓉城外花如錦  
到日猶能憶晚蘭

秋雨巳亥

城頭日暮颺聲急  
天外風高雁影稀  
欲駐秋雲沛秋雨  
不教細細濕征衣

有恒言皆曰李杜攷其集杜多七  
言古而李則多五言古杜工于五言  
律而李則工于七言絕至七言律老  
杜未免累字累句而李亦不盈數篇  
乃知包羅之武世所鮮能宛委齋詩話

